

春明退朝錄







春 明 退 朝 錄

宋 敏 求 述

編主五雲王

編初成集書叢

錄 朝 退 明 春

中華民國二十五年十二月初版

撰述者 宋 敏 求

發行人 王 雲 五
上海河南路

印刷所 商 務 印 書 館
上海河南路

發行所 商 務 印 書 館
上海及各埠

翁

春明退朝錄卷上

井敘

宋 宋敏求撰

熙寧三年。予以諫議大夫奉朝請。每退食。觀唐人泊本朝名輩撰著以補史遺者。因纂所聞見繼之。先廬在春明里。題爲春明退朝錄云。十一月晦。常山宋敏求述。

國朝宰相。趙令盧相文潞公四十三。登庸寇萊公四十四。王沂公四十五。賈魏公四十八。

樞密副使。趙令三十九。寇萊公三十一。晏元獻公三十五。韓魏公三十六。

參知政事。蘇侍郎易簡三十六。王沂公三十九。

知制誥。蘇侍郎二十六。王沂公二十七。盧相楊文公晏元獻公宣獻公今宣徽使王公拱辰。皆二十八。夏文莊三十。

學士。蘇侍郎二十八。晏元獻公宣徽王公皆三十。宣獻公三十五。王沂公李邯鄲皆三十六。楊文公錢子飛皆三十七。盧相今參政王禹玉皆三十八。

吳正肅言。律令有丁推。推字不通少壯之意。當是丁稚。唐以大帝諱避之。損其點畫云。

眞宗朝。歲時始賜飲於宰相第。大兩省待制以上赴。林尚書特以諫議大夫爲三司副使。亦預焉。旣而并

諸副使。遂以爲常。王太尉主會。唯用太官之膳。少加堂餐。自丁晉公助以家饌。至今踵之。

天聖七年。玉清宮災。遂罷輔臣爲宮觀使。而景靈會靈祥源三宮觀。以學士舍人管句。康定元年。李康靖

公罷。參知政事爲資政殿大學士。提舉會靈觀。自後學士皆爲提舉。至和初。晏元獻公以舊相。爲觀文殿

大學士。提舉萬齡避家諱也觀。而武臣今致政。李少師端愿爲觀察使。止得管句祥源觀。自陳於樞府宗袞。宋

憲也。謝眺謂謝安爲宗袞。乃加以都管句。今朝官亦云提舉非故事也。

宗袞嘗言律云。可從而違。堪供而闕。亞六經之文也。

宋景文言。人之屬文。自穩當字。第初思之未至也。又曰。爲文是靜中一業爾。

本朝置樞密使副。或置知樞密院同知院。然使與知院不並置也。熙寧元年。文潞公呂宣徽爲使。而潤州

陳丞相自越州召爲知院。前一歲。陳丞相爲副使。位在呂公之上故也。

國初。范魯公。王祁公。魏僕射。三相罷。趙令獨相。始置參知政事。自是一相或二相。至咸平中。始有呂文穆。

李文靖。向文簡。三相。又至至和。中文潞公。劉丞相。富鄭公。三相。

太平興國四年。石元懿始以樞密直學士簽書院事。八年。張司空齊賢。王公沔。並以諫議大夫同簽書樞

密院事。景德三年。馬正惠以檢校太傅。韓公崇訓以檢校太保。並簽書樞密院事。治平二年。今郭宣徽爲

同簽書院事。

文臣爲樞密使。皆帶檢校太尉太傅兼本官。乾興元年。錢文僖以兵部尙書爲樞密使。不帶檢校官。有司之失也。

趙德明歸款。真宗賜以宗姓。然不附屬籍。晁文元草制云。奕世荷殿邦之德。舉宗聯命氏之榮。寶元二年。元昊叛。詔削屬籍。非也。

唐太宗自撰鄭元成碑。德宗亦撰段秀實碑。

本朝太宗撰中令趙公碑。皇祐中。王侍郎子融守河中還。乃以唐明皇所題裴耀卿碑額上之。仁宗遂御

篆賜沂公碑曰旌賢。其後踵之者。懷忠呂許顯忠李忠旌忠寇萊全德元老王太尉教忠文潞公精慶父洎親賢。

李侍中襄親齊國獻旌功曹襄舊學晏元崇儒丁文簡舊德張公顯先積慶子丞趙中令旌忠懷德張侍中書儒賢高

用和襄賢范文思賢劉丞清忠王武旌忠元勳狄武襄襄忠陳恭純孝張文英宗御篆忠規德範宋元上御篆

淳德守正呂文大儒元老賈魏

國朝歷三師三公者。太祖卽位。天雄節度符魏王彥卿。自守太尉爲太師。定難節度西平王李中令彝興。

自守太傅爲太尉。荆南節度南平王高中令保融。自守太保爲太傅。

趙令以司徒太保侍中在中書。以太保中書令留守西京。又以太師西京養疾。王文正以司空司徒太保

在中書。以太尉罷爲玉清昭應宮使。

范魯公以司徒在中書。王祁公、薛文惠、呂文穆，並以司空在中書。丁晉公、馮魏公、王冀公，並以司空司徒。在中書。韓魏公以司空在中書。司徒為節度侍中。曹襄悼文潞公，並以司空為樞密使侍中。呂文靖罷相，以司徒監修國史。曾魯公以司空為節度侍中。

呂許公以太尉致仕。張鄧公會魯公，並以太傅致仕。陳恭公以司徒致仕。李相昉、張相齊賢、章郇公、宋鄭公、富韓公，並以司空致仕。

國朝宰相為僕射。魏公仁浦、趙令、薛文惠、沈恭惠、宋惠安、李文正、呂文穆、呂正惠、李文靖、張司空、王文正、向文簡、王冀公、寇萊公、呂許公、王沂公、賈魏公、陳恭公、韓魏公、文潞公、富鄭公、曾魯公，二十二入。樞相為僕射。陳文忠、曹襄悼、張榮僖、王康靖，四人。樞密使為僕射。石元懿一人。

列聖神御殿。始咸平初，真宗令供奉僧元藹寫太宗聖容於啓聖院。後玉清昭應宮範金祖宗像，餘多塑像。其殿名在京曰慶基。奉先禪院開先寺。奉太祖二聖。玉清昭聖宮奉太。永隆。啓聖院奉。玉清昭應

奉真宗。奉真宮。景靈崇真寺。慈孝延聖觀。萬齡永崇觀。崇先孝嚴。景靈宮英德。景靈宮在外曰章武。揚州建隆寺與元宗。奉真宗。奉真宮。景靈崇真寺。慈孝延聖觀。萬齡永崇觀。崇先孝嚴。景靈宮英德。景靈宮在外曰章武。揚州建隆寺與元

宗神御殿。南京鴻慶宮有三聖神御殿。西京永安縣會聖宮有五聖神御殿。今京師定力院有太祖御像。天院端命。州帝華。西京應天院統平府。昭孝。西京應天院信武。州集真。華陰雲。又鳳翔太平宮有祖宗神御殿。南京鴻慶宮有三聖神御殿。西京永安縣會聖宮有五聖神御殿。今京師定力院有太祖御像。天院端命。州帝華。西京應天院統平府。昭孝。西京應天院信武。州集真。華陰雲。又鳳翔太平宮有祖宗神御殿。南京鴻慶宮有三聖神御殿。西京永安縣會聖宮有五聖神御殿。今京師定力院有太祖御像。

王鶴畫。諸后影殿曰重徽。奉先禪院奉明德太。彰德。慈孝寺奉。廣孝。景靈宮奉。廣愛。萬齡觀奉。

開寶八年十一月江南平留汴水以待李國主舟行盛寒河流淺涸詔所在爲埧閘瀦水以過舟官吏擊凍督役稍稽則皆何校甚者劾辜以次被罰州縣官降敕而杖之者凡十餘人

舊制將相食邑萬戶卽封國公王太尉爲相過萬戶而謙挹不封慶曆七年南郊中外將相唯夏鄭公合萬戶中書請封英國公因詔使相未滿萬戶皆得封於是王康靖封遂國公章文簡封郇國公王武恭封冀國公其後遂以邑封合萬戶者徼國

國朝以來封國公者范侍中魯王文獻祁向侍中拱秦靜難節度劉公重進燕保大節度趙公贊衛定國

節度馮公繼業梁張侍中永德衛張尙書昭陳舒鄭孟中令昶秦王中令彥超邠趙中令陳梁許呂文穆蔡徐

寇忠愍萊丁祕監晉馮文懿魏曹襄悼韓魯王文穆冀張榮僖岐鄧呂文靖許王文正沂張文懿鄧章文

簡郇夏文莊鄭王康靖遂王武恭祁冀賈文元安許陳恭公岐文侍中潞杜正獻祁宋元憲鄧龐莊敏穎

韓侍中儀衛曾侍中魯英兗富相祁鄭

太子諡昭成許王元僖初悼獻元祐

諸王諡悼廷美懿德昭康惠德芳恭憲元佐恭靖元文惠元傑恭懿元僊恭惠元僖恭肅元儼懷靖王

昉悼穆昕王悼懿義鄂王

公主諡恭懿宣祖女燕國大長賢肅太祖女秦國大長賢靖太祖女晉國大長恭惠太祖女許國長公主

改英惠。太宗女。燕國長和靜公主。太宗女。晉國大長懿順公主。太宗女。鄭國長慈明。太宗女。申國大長公主。獻穆。宗

女。齊國大長公昭懷。真宗女。出俗為道士。莊孝。仁宗女。楚國大主。降李遵勉。昭懷。號清虛靈昭大師。

宗室諡恭裕。申王康孝。南陽郡安懿。王孝定。允弼。榮易。允良。恭肅。王德隆。思恪。王允迪。懿恭。王允升。僖簡。

信安郡康簡。廣陵郡王德離。和懿。王承簡。恭僖。舒國公僖靖。王惟正。僖穆。王守節。安僖。榮王從式。楚

王允寧。循國公承慶。和懿。王承簡。恭僖。舒國公僖靖。王惟正。僖穆。王守節。安僖。榮王從式。楚

信都郡安恭。博平郡慈惠。申國公僖安。守巽。和惠。王承衍。惠恪。從古。僖溫。王承範。良靜。魏國公恭簡。

王德彝。安恭。王允初。慈惠。德恭。僖安。守巽。和惠。王承衍。惠恪。從古。僖溫。王承範。良靜。魏國公恭簡。

宗禮。良。祁國公宗述。昭裕。宗顏。公脩孝。南康郡恭靜。王承亮。康僖。克廣。榮僖。陳國公恭昌。國公

宰相諡文獻。王祁公溥。宣懿。魏僕射忠獻。趙中普文惠。薛相堯佐。正恭。惠倫。相惠安。琪。文正。李司空助。王太

名嫌。正惠。呂相瑞。正字文穆。王冀公欽。若文定。張司空齊文靖。李相沆。呂文簡。畢相士安。忠愍。公準。文懿。

馮魏公孫張。文正。王沂文節。張相白章。惠。改文惠。文憲。象。改文簡。元獻。殊。晏公正獻。公衍。恭。執中。文元。昌朝。

莊敏。龐穎。元憲。公庠。樞密使諡元靖。李公景襄。楚公元懿。石僕射恭懿。王公文莊。高公宣簡。田公惠穆。呂公

樞密使相諡武惠。曹侍文忠。陳僕射襄悼。利用。榮僖。中書文僖。演思。改恭毅。恭密。改文康。王相康靖。

王侍中。文莊。夏鄭武恭。王公。參知政事諡文懿。孫少傅朴文恭。程。李公景肅。趙公康節。辛少傅恭肅。溫尙書惠獻。王尙書文定。趙右丞安

中立文僖陳公康懿任尚書肅簡曾公簡肅薛公宣獻先公文忠齊公文肅盛少傅忠憲韓少傅忠穆王公康靖李少傅文莊晁公安簡王尚書文正范公正肅吳公文烈明公文簡丁右丞康穆程公文安王公質肅唐公介

樞密副使知院同知院諡宣靖錢鄧州恭質宋公景莊王公正惠馬公知節正字安惠周侍起任武穆曹公忠獻范尚書僖質趙少師憲成李侍文孝張左丞文肅鄭公恭惠任少師威敏孫公孝肅包公文恭胡少師宿忠簡璋

王侍

使相諡恭惠安仲琦王元靖王中令景正懿高中令保融正武烈石中令莊烈何中令恭孝孟中令武穆高公忠順陳公

洪進忠懿錢中莊武李侍忠繼勳安僖錢惟濬耶莊惠宋太師恭惠張侍忠武李公武惠潘公忠肅王公榮密榮公

宗慶恭密楊公恭僖李侍中文簡程相良僖李公文臣諡文安宋尚書白文莊江陵忠定張尚書文恭薛尚書忠肅馬少傅文文楊侍恭惠李中文元晁少傅宣宣孫少傅康肅陳

之香章靖馮侍元宣懿楊侍恪恪李右丞景文宋尚書襄襄余尚書靖恭安張尚書存莊李尚書兌修懿錢左丞懿敏王尚書素懿靖李少

武臣諡溫肅杜公恭僖杜公恭惠杜公武毅曹公翰忠武郭公勤威馮公和惠王公恭肅王公忠惠吳公元惠周宣武康王公武懿曹公忠毅周公恭莊張公宣惠錢留後和文李公壯恪夏公凱安毅鄭公守忠

春明退朝錄 卷上

七

僖夏宜忠隱壯愍壯定忠恪密承良惠榮毅良

定李留後勤惠

外戚諡武懿劉公康懷劉從安僖曹公恭懷曹公景思張堯

內臣諡忠肅劉承安簡王承僖靖藍繼安恪盧守僖恭王惟安僖岑守僖良皇甫良恪張永榮恪藍元忠

安張惟僖勤史崇信僖恪劉從恩威勤步允僖安王守

任恭惠與呂許公同年進士而同為博士恭惠登樞年耆康彊許公時尚為相嘗所歎羨詢其服餌之法

然。恭惠謝曰不曉養生之術但中年因讀文選有所悟爾謂石韞玉以山輝水含珠而川媚也許公深以為

父子掌誥國初至熙寧元年凡九家李文正昌武正字犯王兵部正文王惠獻簡安晁文元文莊錢希白希白梁翰

林肅莊呂文靖仲裕宣獻公敏求蘇儀甫甫子

咸平六年併三部為三司使官輕則為權使公事慶曆中葉翰林道卿再總計止云權使蓋中書誤也其

後遂分權使與使公事為兩等

舍人院每知制誥上事必設紫褥於庭面北拜廳閣長立褥之東北隅謂之壓角宗袞作掖垣叢誌而不

解其事按唐舊書亦無聞焉惟裴廷裕正陵遺事云舍人上事知印宰相當壓角則其禮相傳自唐也予

解其事按唐舊書亦無聞焉惟裴廷裕正陵遺事云舍人上事知印宰相當壓角則其禮相傳自唐也予

爲舍人日。邵興宗入院。不疑爲閣長。歷角。時議美之。太平興國中。始置譯經院于太平興國寺。延梵學僧。翻譯新經。始以光祿卿湯公悅兵部員外郎張公洎潤色之。後趙文定。楊文公。晁文莊。李尚書維。皆爲譯經潤文官。天禧中。宰相丁晉公始爲使。天聖三年。又以宰相王冀公爲使。自後元宰繼領之。然降麻不入銜。又以參政樞密爲潤文。其事寔重。每歲誕節。必進新經。前兩月。二府皆集以觀翻譯。謂之開堂。亦唐之清流盡在也。前一月。譯經使潤文官。又集以進新經。謂之閉堂。慶曆三年。呂許公罷相。以司徒爲譯經潤文使。明年致仕。章郇公代之。自後降麻入銜。

宗袞嘗曰。殘人矜才。逆詐恃明。吾終身不爲也。亦繇唐相崔渙曰。抑人以遠謗。吾所不爲。予治平初。同判尙書禮部。掌諸處納到廢印。極多。率皆無用。按唐舊說。禮部郎中掌省中文翰。謂之南宮舍人。百日內須知制誥。王之與宋給事詩云。須知百日掌絲綸。又謂員外郎爲瑞錦窠。員外郎廳前有。大石。諸州府送到廢印。皆於石上碎之。又圖寫祥瑞。亦員外郎廳所掌。令狐楚元和初任禮部員外郎。有詩曰。移石幾回敲廢印。開箱何處送新圖。是也。今之廢印。宜準故事碎之。

唐內人墓。謂之宮人斜。四仲遣使者祭之。

見唐人文集。

京師街衢。置鼓於小樓之上。以警昏曉。太宗時。命張公洎製坊名。列牌於樓上。按唐馬周始建議置鞀鼓。惟兩京有之。後北都亦有鞀鼓。是則京都之制也。二紀以來。不聞街鼓之聲。金吾之職廢矣。

太常寺國初以來皆禁林之長主判而禮院自有判院同判院大中祥符中符瑞繁縟別建禮儀院輔臣主判而兩制爲知院天禧末罷知院天聖中省禮儀院而寺與禮院事舊不相兼康定元年置判寺同判寺並兼禮儀事近有至六七人者按唐太常置卿一員少卿二員博士四員祥符中置博士二員後加至四員今若置判寺一員同判寺二員則合唐之卿數矣天聖元年改同判院爲同知院卽博士也

太常寺舊在興國坊今三班院是也景祐初燕侍郎肅判寺廳事畫寒林屏風時稱絕筆其後爲判寺好事者竊取之嘉祐八年徙寺於福善坊其地本開封府納稅所英宗在藩邸判宗正寺建爲廡舍旣成而已立爲皇子遂爲太常所請焉

端拱中西掖六舍人旣而田錫罷職知陳州頃之宋湜貶均州團練副使王元之商州團練副使熙寧二年閣老錢君倚守江寧明年予自請出院李才元蘇子容皆落職惟吳冲卿權三司使不供職閣下無人草制遂命二直院焉

開寶二年李文正

正字犯仁宗嫌名

以中書舍人盧相以知制誥並命直學士院六年知制誥張公澹直學士院

太平興國元年湯率更悅徐騎省鉉直學士院王梓州克正張侍郎洎直舍人院四人公皆江南文士也至熙寧二年復置舊官

唐制宰相四人首相爲太清宮使次三相皆帶館職洪正字犯宣祖廟諱文館大學士監修國史集賢殿大學士

以此爲次序。本朝置二相。昭文修史。首相領焉。集賢次相領焉。三館職。惟修史有職事。而頗以昭文爲重。自次相遷首相。乃得之。趙令初拜。止獨相。領集賢殿大學士。續兼修國史。久之。方遷昭文館。薛文惠與沈恭惠並相。薛自參政。領監修。拜相。仍舊。而沈領集賢。畢文簡與寇忠愍並相。而畢領監修。寇領集賢。王太尉獨相。亦止領集賢。近時王章惠。龐莊敏初拜。及獨相。悉兼昭文修史二職。非舊制也。

文臣自使相除樞相。罷節而還舊官。景祐元年。王沂公自使相帶檢校官。復爲吏部尙書同平章事。充樞密使。慶曆七年。夏。鄭公自使相入樞。仍帶節度使。亦非舊制也。

太祖太宗時。文臣爲使相。惟趙令一人。眞宗時。寇萊公。王冀公二人。節度使李南陽一人。乾興後。難遽數矣。

唐文武參用。袁滋自尙書右丞。出華州刺史。召爲左金吾衛大將軍。如是者數人。本朝頗循其制。工部侍郎王公明兼黃州刺史。給事中喬公維岳。換海州刺史。三司使尙書左丞李公士衡。換同州觀察使。學士承旨。刑部尙書李公□維。換相州觀察使。翰林學士。工部侍郎陳公堯咨。換宿州觀察使。如錢鄧州。及慶曆初。韓范龐王四公。皆換觀察使。以用兵擢之也。龍圖閣直學士馬公季良。換秦州防禦使。非美遷也。武臣換文資者。太宗時。白州刺史錢昱。換祕書監。遷工部侍郎。復換觀察使。

眞宗優待王冀公。景德中。罷參知政事。始置資政殿學士。以命之。宰相寇萊公頗抑之。令班翰林之下。乃

命爲大學士。冀公請鑄印不許。遂領尙書都省。以都省自有印也。

後唐明宗以樞密使安重誨不通文義。置端明殿學士。以翰林學士馮道、趙鳳爲之。班樞密使之後。食於其院。端明殿卽西京正衙殿也。本朝程侍郎羽爲之。後隨殿名改爲文明殿學士。李司空昉嘗爲之。慶曆中以同永定諡號。改爲紫宸殿學士。丁文簡罷參知政事爲之。何右丞郊時爲御史。言紫宸非人臣所稱。又改爲觀文殿學士。未幾。賈魏公以使相換僕射。因置大學士處之。仍詔非歷宰相不除。明道中改承明殿爲端明殿。會先公自南都召歸。特置學士。班翰林資政之下。與舊職名同而立位異矣。

唐姚南仲不歷尙書侍郎而入省。便爲僕射。近世鄭文肅、劉丞相、張尙書方平王、宣徽拱辰、滕侍讀甫皆不歷郎中員外。而便爲諫議大夫。呂給事惠卿、鄧中丞潤甫亦然。

尙書省二十四司。唐世以事簡者兼學士舍人。本朝唯重左曹館職。提點刑獄。例得名曹。省府判官轉運使得名曹。又遷左曹學士舍人待制。遷二資。帶史撰。更得優遷。如蘇儀甫自刑部員外郎遷禮部郎中。王原叔自工部郎中遷吏部郎中是也。朝官帶史撰。亦得優遷。李邯鄲自博士爲禮部員外郎。賈魏公自司封員外郎爲禮部郎中是也。景祐中。宋景文修樂書成。遷工部員外郎。慶曆中。呂仲裕、王原叔、修崇文總目成。並爲工部員外郎。予預修唐書。亦忝此官。又朝選久不磨勘者。郭諫議申錫遷右司員外郎。祖擇之工部員外郎。張修撰問禮部郎中。

邇英閣講諷之所也。閣後有隆儒殿。在叢竹中。制度特小。王原叔久在講筵。而身品短。同列戲之曰。宜爲隆儒殿學士。

孫之翰言。太祖一日召對趙中令。出取幽州圖以示之。趙令詳觀稱歎曰。是必曹翰所爲也。帝曰。何以知之。普對方今將帥材謀無出於翰。此圖非翰。他人不可爲也。翰往。必可得幽州。然旣得幽州。陛下遣何人代翰。帝默然持圖歸內。

楊庶幾攷言。胡祕監旦。退居襄陽。鑿大硯以著漢春秋。書成。瘞其硯。每聞大臣名士薨卒。必作傳以紀其善惡。然世不傳。庶幾亦自有所述。

杜甫終於耒陽。槨葬之。至元和中。其孫始改葬於鞏縣。元微之爲誌。而鄭刑部文寶謫官衡州。有經耒陽杜子美墓詩。豈但爲誌。而不克遷。或已遷而故冢尙存耶。

唐官有定員。闕則補之。後唐長興二年。詔諸州得替節度防禦團練使刺史。並令隨常朝官逐日立班。二年。敕免常朝。令五日赴起居。國初尙多前資官。今閣門儀制。尙有見任前任節度防禦團練使。

太宗時。始置磨勘差遣院。後改爲審官。眞宗時。京朝官四年乃得遷。天聖中。方有三年之制。而在外任者不得遷。須至京引對。乃得改秩。明道中。始許外任歲滿亦遷。時恭謝天地覃恩。不隔磨勘。有併遷者。於是朝士始多。皇祐明堂覃恩。隔磨勘。人情苦其不均。英宗與上卽位。故復用恭謝之例。

建隆至天禧。每朝廷大禮。二府必進官。天聖二年。南郊。呂許公懇言之乃止。自是加恩而已。

每大禮。兩府加恩。功臣階勳。食邑實封。內得三種。學士至待制。大兩省得階勳而下二種。大卿監至小卿監一種。得加食邑。郎中而下。至朝京官一種。階勳而已。

凡加食邑。宰相千戶。實封四百戶。餘降麻官。食邑七百戶。實封三百戶。直學士以上。食邑五百戶。實封二百戶。舍人待制散尚書。至少卿監以上。會邑三百戶。實封一百戶。

凡食邑三百戶。封縣開國男。五百戶。封子。七百戶。封伯。千戶。封郡侯。二千戶。封公。千五百戶以上。始加實封。

唐大帝時。始有同中書門下三品。時中書令侍中皆正三品。大曆中。並升爲二品。晉天福五年。升中書門下平章事爲正二品。國初。樞密使吳延祚以父諱璋。加同中書門下二品。用升品也。

每南郊大禮。循唐制。命五使。宰相爲大禮使。學士爲禮儀使。鹵簿使。御史中丞爲儀仗使。知開封府爲橋道頓遞使。而禮儀使本太常卿事。尚書兵部主字圖。鹵簿使是其職也。儀仗使排列之。而鹵簿使督攝之。其職事頗相通。真宗時。東封西祀。奉祀皆輔臣爲五使。南郊則用學士而下。仁宗藉田。恭謝大饗明堂。祫饗。上大饗。並循真廟之制。

春明退朝錄卷中

予嘗判官告院。知制誥時又提舉兵吏司封官告院。而不自司勳。恐遺之也。凡文臣及節度觀察防團刺史諸司使副內殿承制崇班皆用吏部印。管軍至軍校環衛官用兵部印。封爵命婦用司封印。加勳用司勳印。

凡官告之制。后妃銷金雲龍羅紙十七張。銷金襖袋寶裝軸紅絲網金幣楮。公主銷金大鳳羅紙十七張。銷金襖袋瑋瑁軸紅絲網塗金銀幣楮。按皇后當降制誕告不裝告身而用册本朝諸后皆止用告景祐元年立后始用册治平熙寧皆循之親王宰相使

相背五色金花綾紙十七張。暈錦襖袋犀軸色帶紫絲網銀幣楮。樞密使三師三公前宰相至僕射東宮

三師嗣王郡王節度使。白背五色金花綾紙十七張。暈錦襖袋犀軸色帶。參知政事樞密副使知院同知院簽書院事宣徽使僕射東宮三師御史大夫宗室率府副率以上。白背五色綾紙十七張。暈錦襖袋牙

軸色帶。尙書觀文殿大學士資政殿大學士東宮三少六統軍上將軍留後觀察使同上。惟用法錦襖。近者

用翠毛獅子錦以暈錦非舊制也三司使翰林學士承旨至直學士待制丞郎御史中丞大兩省賓客大卿監祭酒詹事

庶子大將軍防團刺史橫行使內諸司使軍職遙郡樞密都承旨初除駙馬都尉。白綾大紙七張。法錦襖大牙軸色帶。三司副使少卿監司業起居郎至正言。知雜至監察御史郎中員外郎四赤令諭德少詹事

家令率更令太子僕太常博士節度行軍司馬副使橫行副使諸司副使樞密副承旨軍職都指揮使忠佐馬軍步軍都軍頭以上。藩方馬步軍都指揮使。并不遙郡者。白綾大紙七張。大錦褾牙軸青帶。國子博士至洗馬通事舍人諸王友六。尙奉御諸衛將軍承制崇班閣門祇候五官正諸州別駕樞密院諸房承旨。如官至將軍以上。用大綾紙。大錦褾大牙軸。兩使判官防團副使。率府率副率京官館職堂後官中書樞密院主事諸軍職都虞候忠佐馬軍步軍副都軍頭諸班指揮使。藩方馬步軍副都指揮使。都虞候內供奉官至內品。白綾中紙五張。中錦褾中牙軸青帶。祕書郎至將作監主簿。白綾小紙五張。黃錦褾角軸青帶。幕職州縣官靈臺郎保章正諸州長史司馬中書錄事主書守當官樞密院令史書令史諸軍指揮使內品待詔書執。白綾小紙五張。小錦褾木軸青帶。諸蕃蠻子大將軍司階司戈司候郎將以上。並白綾大紙。法錦大牙軸色帶。凡修儀婉容才人貴人美人。銷金小鳳羅紙七張。銷金褾袋。瑇瑁軸紅絲網塗金銀筵。司言司正尙衣尙食典寶常使。金花羅紙七張。法錦褾袋。內降夫人郡君團窠羅紙七張。暈錦褾袋。宗室婦常使。金花羅紙七張。法錦褾袋。宗室女。素羅紙七張。法錦褾袋。國夫人。銷金團窠五色羅紙七張。暈錦褾袋。郡夫人常使。金花羅紙七張。見任兩府母妻使團窠。法錦褾袋。以上至司言司正等皆用瑇瑁。瑁絲網筵。郡君縣太君遙郡刺史正郎以上妻。並銷金。常使。羅紙七張。餘命婦。並素羅紙七張。

凡封贈父祖爲降麻官。用白背五色綾紙。法錦褾大牙軸。餘雖極品。止給大綾紙。法錦褾大牙軸。

凡朝士父在。經大禮推恩。得致仕官。不給奉。父任陞朝官以上。致仕自得奉。舊制。若因其子更加秩。則不給奉。

凡宰相使相。母封國太夫人。妻封國夫人。樞密使副使參知政事。尚書節度使。母封郡太夫人。妻封郡夫人。樞密參政。母經南人。樞密參政。母經南人。郊封國太夫人。直學士以上。給諫大卿監觀察使。母封郡太君。妻封郡君。舊制。學士官至諫議大夫。以上。方得郡封。天禧中。詔

改少卿監防團以下。至陞朝官。母封縣太君。妻封縣君。

凡輔臣。宣徽使初入。封三代。爲東宮三少。曾祖爲少保。祖爲少傅。父爲少師。因進官。或遇大禮。進加至太師。兩令國公使

相。節度使亦封三代。尚書資政殿大學士三司使。封二代。至太尉。大學士自兩府例。學士至待制。封一代。至太尉。

餘陞朝官以上。至吏部尚書。父歷兩府。贈至師。令國公。唐相止。贈一代。權德輿罷相。爲檢校吏部尚書。與歷兩制。大兩省。贈至太尉。唐相止。贈一代。權德輿罷相。爲檢校吏部尚書。與

元節度使。自潤州改葬。其父於東都。亡租之域。其祖。僊終右羽林軍錄事參軍。因表納。檢校吏部尚書兼

御史大夫。請回贈祖一官。詔不許。納官。特贈僊尚書禮部郎中。德輿在遷。耐式假內。公事皆差。官服慘服。句當有敕使。及別奉詔命。卽令繼承進止。

唐制。宰相不兼尚書左右丞。蓋僕射常爲宰相。而丞轄留省中領事。元和中。韋貫之爲右丞平章事。不久

而遷中書侍郎。又僕射給諫。皆不爲致仕官。然楊於陵爲左僕射致仕。本朝沈相倫亦以僕射致仕。

唐節度使除僕射尚書侍郎。謂之納節。皆不降麻。止舍人院出制。天禧中。丁晉公自保信軍節度使除吏

部尚書參知政事。先公在西閣。當制。至和中。韓魏公自武康軍節度使除工部尚書三司使。降麻。非故事

也。

皇祐中。宗袞請置家廟。下兩制禮官議。以爲廟室當靈長。若身沒而子孫官微。卽廟隨毀。請以其子孫襲三品階勳及爵庶常。得奉祀。不報。

祕府有唐孟誥家祭儀。孫氏仲饗儀數種。大抵以士家用臺卓享祀類几筵。乃是凶祭。其四仲吉祭。當用平面氈條屏風而已。

漢乾祐中。除樞密使。始降麻。如將相之制。本朝循之。石元懿罷爲僕射。亦降麻。高文莊、田宣簡、呂寶臣罷。止舍人院出告。

天聖中。修國史。王安簡、謝陽夏、李邯鄲、黃唐卿爲編修官。安簡神情沖澹。唐卿刻意篇什。謝李嘗戲爲句曰。王只閑如鶴。黃吟苦似猿。

天聖中。錢文僖留守西都。而應天院有三聖御像。去府僅十里。朔望集衆官朝拜。未曉而往。朝拜畢。三杯而退。文僖戲爲句曰。正好睡時行十里。不交談處飲三杯。又有人送驢肉。復曰。廳前捉到須依法。合內盛來定付廚。

宗袞嘗賞黃子溫詩。子溫名孝恭。天聖八年登進士第。爲大理寺丞。失官。其從兄子思亦善詩。詠懷曰。日者未知裴令貴。世人爭笑禰生狂。重午日。風簷燕引五六子。露井榴開三四花。子思名孝先。天聖二年登

進士第終太常博士。

治平三年予爲知制誥。夏六月夢丞相遣朱衣吏召命草某人爲遼清殿學士制。既寤不能記其姓名及其文詞也。明年五月甲辰丞相遣朱衣吏召當制舍人呂縉叔草制。除邵不疑爲寶文閣學士。後數日得承旨張公所作詔云。迺規層宇。正字犯御名遂在西清。恍然記去歲之夢與詔文離合其名。若符契焉。

尊號起於唐。中宗稱應天神龍皇帝。後明皇稱開元神武皇帝。自後率如之。陸贄嘗以諫德宗。宗袞著尊號錄一篇。繫以贄云。損之又損。天下歸仁。蓋託諷焉。上卽位羣臣凡再上尊號。率不許。

李尙書維有三兄。文靖丞相贄尙書虞部員外郎源太子中舍。皆五十八而終。尙書亦是歲大病。懇言於朝。乃罷翰林學士。換集賢院學士。出知許州。王給事博文與其子景彜皆貳樞。然並踰月而終。

歐陽少師言爲河北都轉運使。冬月按部至滄景。聞於野亭。夜半聞車旂兵馬之聲。幾達旦不絕。問宿彼處人云。此海神移徙。五七年間一有之。

致政王侍郎子融言。天聖中歸其鄉里青州時。滕給事涉爲守。盛冬濃霜。屋瓦皆成百花之狀。以紙摹之。其家尙餘數幅。

凡節度州爲三品。刺史州爲五品。唐內臣爲中尉。惟贈大都督。國初曹翰以觀察使判潁州。是以四品臨五品州也。品同爲知。隔品爲判。自後惟輔臣宣徽使太子太保僕射爲判。餘並爲知州。

參知政事父見其進拜者。盧朱崖、吳正肅、與尙書張公安道、樞副陳堯叟、張文孝、吳文肅、由登用而朝廷多峻加其父恩命。

唐時黃河不聞有決溢之患。唐書惟載薛平爲鄭滑節度使。始河溢瓠子東。泛滑。距城纔二里許。平按求故道。出黎陽西南。因命其從事裴弘泰往請魏博節度使田弘正。弘正許之。乃籍民田所當者。易以他地。疏導二十里。以殺水悍。還墾田七百頃於河南。自是滑人無患。此外無所紀。蓋河朔地。天寶後久屬蕃臣。而事不聞朝廷也。而汴河亦不聞疏通之事。惟鄭畋集載。爲相時。汴河淀塞。請令河陽節度使於汴口開導。仍令宣武感化節度使嚴帖州縣。封閉公私斗門。感化。卽徐州也。

唐兩京皆有三館。而各爲之所。所以逐館命修撰文字。本朝三館合爲一。並在崇文院中。景祐中。命修總目。則在崇文院。餘各置局他所。蓋避衆人所見。太宗實錄在諸王賜食廳。眞宗實錄在元符觀。祥符中。修冊府元龜。王文穆爲樞密使。領其事。乃就宣徽南院廳。以便其事。自後遂修國史會要。名曰編修院。又修仁宗實錄。而英宗實錄同時並修。遂在慶寧宮史館。領日曆局。置修撰二員。宰相爲監修。自置編修院。以修撰一人主之。而日曆等書。皆析歸編修院。

唐在京文武官職事。九品以上。朔望日朝。其文官五品以上。及監察御史員外郎。太常博士。每日參。武官五品以上。仍每月五日十一日二十一日二十五日參。三品以上。九日十九日二十九日又參。王沂公家一本云。四

品以上九日十九日二十九日再參其長上折衝果毅若文武散官五品以上直諸司及長上者各準職事參其洪正字祖廟

文館及國子監博士學生每季參若雨雪霑服失容及泥潦並停以上唐儀制凡京百司有常參官謂五品

以上職事官八品以上供奉官以上唐六典正正字犯仁宗嫌名元二年敕文官充翰林學士皇太子諸王侍讀武官

充禁軍職事並不常朝參其在三館等諸職掌者並朝參訖各歸所務是年御史中丞竇參奏常參文武

官準令每日參自艱難以來遂許分日待戎事稍平即依常式其武官準令五品以上每月六參三品以

上更加三參頃並停廢今請準令卻復舊儀十三年御史臺奏諸司常參文官隔假三日以上並以橫行

參假其武班每月先配九參六參九參謂一月九次六參謂一月六次今後每經三節假滿縱不是本配入日並依文官例

橫行參假以上唐會要後唐同光二年四方館奏今後除隨駕將校及外方進奉專使文武兩班三品以上官

可於內殿對見其餘並請正衙從之天成元年御劄賜文武百僚每日正衙常朝外五日一赴內殿起居

每月朔望日賜廊下食唐室承平時常參官每日朝退賜食謂之廊餐自乾符亂離罷之惟月旦入閣日

賜食明宗即位諫官請文武百僚五日一起居見帝於便殿李琪以爲非故事以五日爲繁請每月朔望

日入閣賜廊下食罷五日起居之儀至是宣旨朔望入閣外五日一起居以爲常天成元年敕今後若遇

不坐正殿日未御內殿前便令閣門使宣不坐放朝班退是年御史臺奏凡新除官及差使者合於正衙

謝辭每遇內殿起居日百官不於正衙敘班其差使及新除官辭謝不令參謝每內殿起居日百僚先敘

班於文明殿庭候辭謝官退。則班入內殿。從之。晉天福二年。中書門下奏。在內廷諸司使等。每除正官。請令赴正衙謝後。不赴常朝。其京官未陞朝官。祇赴朔望朝參。從之。以上五代國朝諸在京文武陞朝官。每日朝。其有制免常朝者。五日一參起居。國朝令文按唐制。文武職事官。並赴常參。武班五日一參。又有三日一參。五日參。并朔望爲六。參三日參乃九參。所謂常參官。未有無職事者。由後唐同光中。乃分常朝內殿。凡隨駕將校外方進奉使。文武三品以上官。卽於內殿對見。其餘並詣正衙。至天成初。詔文武百官。每日常朝外。五日一赴內殿起居。其趨朝官。遇宣不坐。放朝。各退歸司。本朝視朝之制。文德殿曰外朝。凡不釐務朝臣。日赴。是謂常朝。垂拱殿曰內殿。宰臣樞密使以下。要近職事者。并武班。日赴。是謂常起居。每五日。文武朝臣釐務令釐務。並赴內朝。謂之百官大起居。是則奉朝之制。自爲三等。蓋天子坐朝。莫先於正衙殿。於禮。羣臣無一日不朝者。故正衙雖不坐。常參官猶立班。俟放朝乃退。唐有職事者。謂之常參。今釐外朝不釐務者。謂之常參。

唐日御宣政。設殿中細仗。兵部旂旛等於廷。朝官退。皆賜食。自開元後。朔望宗廟上牙槃食。明皇意欲避正殿。遂御紫宸殿。喚仗入閣門。遂有入閣之名。在唐時。殊不爲盛禮。唐末常御殿。更無仗。遇朔望。特設之。趨朝者。仍給廊下食。所以鄭谷輩多形於詩詠。嘆美。而五代之不絕。祖宗數御文德殿。行入閣禮。熙寧二年。予被詔修閣門儀制。以爲文德入閣。非是。當喚仗御紫宸殿。請下兩制。與太常議之。學士承旨王公珪等。以爲入閣。是唐日坐朝之儀。不足行。詔削去其禮。予與閣門諸君。因請如唐御宣政禮。量設仗衛御。

之詔乃可。今朔望御文德殿。始於此也。閣門有舊入閣圖。頗約其禮而簡便之。凡文武官百人。執仗四百人。其五龍五鳳五嶽五星旗御馬。皆立殿門之外。舊制。凡連假三日而著於令者。宰相至陞朝。官盡赴文德殿參假。謂之橫行。次日。百官仍赴內殿起居。近年連假後多便起居。而廢橫行之禮。

吏部流內銓。每除官。皆云權判正衙謝。復正謝前殿。引選人謝辭。繇唐以來。謂之對敷。判銓與選人同入起居畢。判銓於殿廷。近北西嚮立。選人謝辭訖。出。判銓官亦謝而出。近止令選人門謝辭。判銓不復入。魏野居於陝郊。其地頗有水竹之勝。客至。必留連飲酒。真宗時。聘召不起。天禧中。卒。贈祕書省著作郎。野子閑有父風。皇祐中。天章閣待制。李公昭遇守陝。言於朝。賜號清逸處士。

古者將葬。請諡以易名。近世多槩殯。或已葬而請諡。唐獨孤及諡郭知運。而右司員外郎崔夏以爲知運葬已五十年。今請易名。竊恐非禮。及以爲請諡者五家。皆在葬後。苗太師一年。呂誣四年。盧奕五年。顏杲卿八年。獨知運遂以過時見抑。且八年與五十年。其緩一也。與奪殊制。不可遂諡。知運曰。威。

國朝以來。博士爲諡。考功覆之。皆得濡潤。慶曆八年。有言博士以美諡加於人。以利濡潤。有同納賂。有詔不許收所遺。於是舊臣子孫競來請諡。旣而禮院厭其煩。遂奏釐革。嘉祐中。李尙書維家復來請諡。博士呂縉叔引詔以罷之。

唐制。兼官三品。得贈官。如韓文公會爲京兆尹兼御史大夫。後終吏部侍郎。而贈禮部尙書是也。又觀察

使多贈兩省侍郎以就三品得諡。國初以來。惟正官三品方得諡。兼官贈三品不得之。真宗命陳彭年詳定。遂詔文武官至尙書節度使卒。許輟朝。贈至正三品。許請諡。而史失其傳。寶元中。光祿卿知河陽鄭立卒。而輟朝。非故事也。

上元然鐙。或云沿漢祠太一。自昏至晝。故事。梁簡文帝有列鐙賦。陳後主有光壁殿。遙詠山鐙詩。唐明皇先天中。東都設鐙。文宗開成中建鐙。迎三宮太后。是則唐以前歲不常設。本朝太宗時。三元不禁夜。上元御乾元門。中元下元御東華門。後罷中元下元二節。而初元游觀之盛。冠於前代。

周禮四時變國火。謂春取榆柳之火。夏取棗杏之火。季夏取桑柘之火。秋取柞櫨之火。冬取槐檀之火。而唐時惟清明取榆柳火。以賜近臣戚里。本朝因之。惟賜輔臣戚里。帥臣節察三司使。知開封府樞密直學士。中使皆得厚贈。非常賜例也。

唐曲江開元天寶中。旁有殿宇。安史亂後盡圯廢。文宗覽杜甫詩云。江頭宮殿鎖千門。細柳新蒲爲誰綠。因建紫雲樓。落霞亭。歲時賜宴。又詔百司於兩岸建亭館。太宗於西郊鑿金明池。中有臺榭。以閱水戲。而士人游觀。無存泊之所。若兩岸如唐制。設亭。卽踰曲江之盛也。

太宗時。建東太一宮於蘇邸。遂列十殿。而五福君。綦二太一。處前殿。冠通天冠。服絳紗袍。餘皆道服。霓衣。天聖中。建西太一宮。前殿處五福君。綦大遊三太一。亦用通天絳紗之制。餘亦道冠霓衣。熙寧五年。建中

太一宮內侍主塑像。乃請下禮院議。十太一冠服。禮院乃具兩狀。一如東西二宮之制。一請盡服通天絳紗。會有言亳州太清宮有唐太一塑像。上遣中使視之。乃盡服王者衣冠。遂詔如亳州之制。

綠髹器。始於王冀公家。祥符天禧中。每爲會。卽盛陳之。然製自江南。頗質朴。慶曆後。浙中始造。盛行於時。嘉祐初。袞國公主降李瑋。時少師歐陽公長禮臺。與諸博士折衷婚禮。頗放古制。治平中。邵不疑以知制誥權知諫院。請選官撰本朝冠喪祭之禮。乃詔禮院詳定。遂奏請置局於本院。不許。因循寢之。

皇祐二年七月。李侍中用和卒。詔輟視朝。下禮院。乃檢會李繼隆例。院吏用印紙申請。自二十一日至五日輟朝。而二十四日太廟孟饗。在輟朝之內。同知院范侍郎鎮。引春秋仲遂卒。猶釋。請罷饗。判寺宋景文。以日遽集議。不及止之。會繙見大中祥符三年四月敕。石保吉卒。輟四日五日。朝三日。其六日。太廟孟饗。已是大祠。不坐。又二十六日。宣祖忌。行香奉慰。予時同知院欲請移輟。二十七日。朝判寺王原叔言。與申請反覆。遂亦止。

歐陽少師提總修太常因革禮。遣姚子張闢見問。太祖建隆四年。南郊。改元乾德。是歲十一月二十九日。冬至。而郊禮在十六日。何也。乃檢日曆。其敕制云。律且協於黃鍾。日正臨於甲子。乃避晦而用。十六日甲子郊也。及修實錄。以此兩句太質而削去之。遂失其義。皇祐二年當郊。而日至復在晦。宗袞遂建明堂之禮。

張唐公言。徐常侍謫邠州時。柳仲塗開爲守。頃之。鄭仲賢文寶爲陝西轉運使。鄭卽騎省門人也。到官卽來致謁。而仲塗郡務不舉。頗憚其來。乃先懇於徐公。鄭旣謁見。徐曰。柳侯甚奉畏。鄭翌日而還。

列子廟在鄭州圃田。其地有小城。貌甚古。相傳有唐李德裕王起題名。而前輩留紀甚多。景祐中。王文惠公爲章惠太后園陵使還。請增葺之。於是舊迹都盡。今其榜。陳文惠之筆。

孟州汜水縣有武牢關城。城內有山數峰。一峰上有唐昭武廟。按李德裕會昌一品集載昭武廟乃神堯太宗塑像。今殿內有二人立而以冠傳付之貌。或云。失二帝塑像。而但存侍者故也。

李文正公罷相爲僕射。奉朝請。居城東北隅昭慶坊。去禁門遼遠。每五鼓則興。置白居易集數冊於茶鐻中。至安遠門仗舍。然燭觀之。俟啓鑰。則赴朝。雍熙二年三月。詔中書申後兩棒鼓出。樞密院申後四棒鼓出。

開寶六年六月。敕參知政事薛居正呂餘慶於都堂。與宰臣趙普同議公事。是月。又敕中書門下押班知印及祠祭行香。今後宜令宰臣趙普與參知政事薛居正呂餘慶輪知。旣而復有釐革。

雍熙四年。文德殿前始置參政摠位。在宰相之後。至道中。寇萊公爲參知政事。復與宰臣輪日知印。正衙押班。其摠位遂與中書門下一班。書敕齊列銜。街衢並馬。宰相使相上事。并有公事。並升都堂。及萊公罷。遂詔只令宰臣押班知印。參政止得輪祠祭行香。正衙摠位。次宰臣之下立。凡有公事。並與宰臣同升都

堂如宰臣使相上事。卽不得升。

景德四年六月。敕臣僚自外到闕。及在京主執。如有公事。並日逐於巳時以前。中書密院聚廳相見。其後復分廳見客。慶曆八年。禁止之。如景德之制。

太宗製笏頭帶以賜輔臣。其罷免尙亦服之。至祥符中。趙文定罷參知政事爲兵部侍郎。後數載。除景靈官副使。真宗命廷賜御仙花帶與繡韉。遂服御仙帶。自後二府罷者。學士與散官通服此帶。遂以爲故事。

予親見蔡文忠罷參知政事爲戶部侍郎。服此帶。蓋曾爲學士。用詔文金帶。曾經賜者許繫之。先公爲翰林及侍讀

兩學士。清災落職。爲中書舍人。仍舊服金帶。舊例皆如此。景祐三年八月。方著詔。其宰相罷免。雖散官。並依舊服笏帶。李文定天聖中。自祕書監來朝。除刑部侍郎。並服笏帶。近有罷參政者。黑帶佩魚而入。非故事也。入兩府。自黑帶賜笏帶者。太宗朝例甚多。祥符中。張文節自待制爲中丞而參政事。天聖中。姜侍郎自三司副使爲諫議大夫而樞密。並賜

如上。

春明退朝錄卷下

京城士人舊通用青絹涼繖。大中祥符五年九月，惟許親王用之。餘並禁止。六年六月，始許中書樞密院依舊用繖出入。

丁晉公天禧中鎮金陵，臨秦淮建亭，名曰賞心。中設屏及唐人所畫袁安臥雪圖，時稱名筆。後人以蘆鴈圖易之。嘉祐初，王侍郎君玉守金陵，建白鷺亭於其西，皆棟宇軒敞，盡覽江山之勝。

唐成都府有散花樓，河中有薰風樓、綠莎廳。揚州有賞心亭，鄭州有夕陽樓，潤州有千巖樓，今皆易其名，或不復見。

祕府書畫，予盡得觀之。二王真蹟內三兩卷，有陶穀尙書跋尾者，尤奇。其畫，梁令瓚二十八宿真形圖、李思訓著色山水、韓滉水牛、東丹王千角鹿，其江南徐熙、唐希雅、蜀黃筌父子畫筆甚多。

王祁公家有晉諸賢墨蹟，唐相王廣津所寶有永存珍祕圖，刻閣立本畫老子西昇經，唐人畫鎖諫圖。王冀公家褚遂良書，唐太宗帝京篇，太宗見祿東贗步輦圖，錢文僖家書畫最多，有大令黃庭經、李邕雜蹟、錢宣靖家王維草堂圖、周安惠家獻之洛神賦、蘇侍郎家魏鄭公諫太宗圖、楚樞密有江都王馬、王尙書仲儀有回文織錦圖。以上皆錄見者。

揚州后土廟有瓊花一株。或云自唐所植。卽李衛公所謂玉蘂花也。舊不可移徙。今京師亦有之。近人有收漢祖過沛圖者。畫蹟頗佳。而有僧爲觀者所指。翌日。並加僧以幅巾。

今閣老王勝之轉運兩浙。於民家得唐沈旣濟所撰劉展亂紀一卷。時唐書已成。所載展事殊略。按展上元元年。爲宋州刺史。與御史中丞李銑。皆副淮西節度使王仲昇。銑貪暴無法。而展性剛鯁。不折。王仲昇奏銑狀而誅之。次謀及展。然展居睢陽。有兵權。難亟圖。乃與監軍使邢延恩。矯詔以展爲都統。江南淮南節度防禦使。代李暄。欲其赴鎮。於塗中執之也。展頗以爲疑。遣使請符節於暄。旣得之。悉舉睢陽兵七千人。赴廣陵。延恩始約李暄與淮南東道節度使鄧景山圖展。及事露。傳檄州郡。言展反狀。發兵距之。展亦露布言李暄反。而南北警急。文檄交馳於道。景山渡淮。陳於徐城。洪爲展所敗。又破李暄於下蜀。二年。命田神功舉平盧軍東下。展迎擊。爲神功再破之。遂棄廣陵而奔江南。以舟師自金山引鬪。神功有五船。而展殺其二船。後爲賈隱林射展中目。因而斬之。傳首京師。收器械三十餘萬。展旣平。租庸使元載以吳越雖兵荒後。民產猶給。乃辟召豪吏分宰列邑。以重斂之。其州縣賦調。積有逋違。乃稽諸版籍。通校大數。八年之賦。舉空名以斂之。其科率之列。不約戶品之上下。但家有粟帛者。則以人徒圍襲。如擒捕寇盜。然後簿錄其產而中分之。甚者十八九。時人謂之白箸。言其厚斂無名。其所箸者。皆公然明白。無所嫌避。一云世人謂酒酣爲白箸。旣爲刻薄之後。人不堪其困弊。則必顛沛醅酌。如飲者之箸也。劉晏傳中亦有白箸與此差異。渤海

高雲有白箬歌曰。上元官吏務剝削。江淮之人多白箬。其所紀用兵次第甚詳。此槩舉之云。
賈直孺在翰林。建言。皇子不當爲檢校師傅。乃詔止除檢校太尉。

九宮貴神。始天寶初。術士蘇嘉慶上言。請置壇。明皇親祠。及王璵爲相。又勸肅宗親祠。大和中。監察御史舒元輿論列。遂降爲中祀。會昌中。李德裕爲相。復爲大祀。宣宗時。又降爲中祀。乾符中。宰相崔彥昭。因歲旱禱雨獲應。又升爲大祀。

宗袞言。世傳魏鍾繇表云。癘憤怒之衆。癘非可通勉勵之意。恐古人借使。又疑其誤。

宰相三入者。趙中令。太祖朝初相。太宗朝兩入。呂文穆。太宗朝再相。眞宗朝一入。呂許公。張鄧公。仁宗朝皆三入。

學士三入。李文正。劉中山子儀。中山三入。玉堂集云。三入翰林。皆待詔。楊昭度宣召入院。其舉自代。皆宣獻公。宋景文范。景仁四入。李邯鄲五入。

而一不拜。

建隆三年十二月。班簿二百二十四員。文班一百五十四人。內南班一百一十人。兩省二十七人。學士三人。留司十人。武班七十四人。內留司一十一人。

梁開平二年南郊。執儀仗兵士二千九百七十人。建隆四年郊。兵部執儀仗兵士一萬三千六十人。太常寺鼓吹等二千六百四人。太僕寺推駕兵士六百八十二人。六軍執擎人員兵士五百五十二人。左右金

吾衙仗各一百五十二人。左金吾仗三百五十八人。右金吾仗三百五十九人。殿中省押番人員并執擎兵士共五百三十一人。司天臺一百六十二人。八司都四千三百七十三人。合兵部二萬七千四百三十三人。

予家有范魯公雜錄。記世宗親征忠正。駐蹕城下。嘗中夜。有白虹自淝水起。亘數丈。下貫城中。數刻方沒。自是吳人閉壁踰年。殍殍者甚衆。及劉仁贍以城歸。遷州於下蔡。其城遂蕪廢。又曰。江南李璟發兵攻建州王延政。有白虹貫城。未幾城陷。舍宇焚蕪殆盡。

又曰。近朝皇太后皇后皆有印篆。文曰。皇太后之印。皇后之印。故事。二宮立。各有宮名。長秋長樂長信之類是也。宜以宮名爲文。至尊之位。亦不合言印。當云某宮之寶。

又曰。近世諸王公主制中。稱皇子。皇弟。皇女。疑皇字相承爲例。止合云第幾子。第幾弟。第幾女云。

又曰。江南有國時。田每十畝。蠲一畝半。以充瘠薄。

又曰。罰俸例。一品八貫。二品六貫。三品五貫。四品三貫五百。五品三貫。六品二貫。七品一貫七百五十八。八品一貫三百九品一貫五十。

又曰。上古以來。逐朝曆名。黃帝起元用辛卯曆。顓帝用乙卯曆。虞用戊午曆。夏用丙寅曆。成湯用甲寅曆。周用丁巳曆。魯用庚子曆。秦用乙卯曆。漢用太初曆。四分曆。三統曆。魏用黃初曆。景初曆。晉用元

正字犯聖祖名。

始曆。合元萬分曆。宋用大明曆。元嘉曆。齊用天保曆。同章曆。正象曆。後魏用興和曆。正元曆。正象曆。梁用大同曆。乾象曆。永昌曆。後周用天和曆。丙寅曆。明元正字犯聖祖名曆。隋用甲子曆。開皇曆。皇極曆。大業曆。唐用戊寅曆。麟德曆。神龍曆。大衍曆。元和觀象曆。長慶宣明曆。寶應曆。正元曆。景福崇元正字犯聖祖名曆。晉天福用調元曆。周顯德用欽天曆云。本朝太祖用應天曆。太宗用乾元曆。真宗用宜天曆。仁宗用崇天曆。英宗用明天曆。已而復用崇天曆。

忠懿錢尙父。自國初至歸朝。其貢奉之物。著錄行於時。今大宴所施塗金銀花鳳。狻猊。壓舞茵。蠻人及銀裝龍鳳鼓。皆其所進也。凡獻銀娟綾錦乳香金器。瑋寶器。通天帶之外。其銀香龍香象獅子鶴鹿孔雀。每隻皆千餘兩。又有香囊酒甕諸什器。莫能悉數。祥符天聖經火。多蕪去。今太常有銀飾鼓十枚尙存。外臣除節度使。景德前。止舍人院作制。楊文公外制。集議潘羅支。厮鐸督朔方軍節度數制是也。其後遂學士院降麻。如大禮加恩。在將相。後數日。方下。然不鎖院。不宜麻。近年遂同將相例。鎖院告廷矣。交州進奉使。舊多遣兵馬使。或攝管內刺史。或靜海節度賓幕之職。及其歸。多加檢校官。或就遷其職。如行軍司馬副使之類。近皆自稱王官。又亦以王官命之。尙書省舊制。尙書侍郎郎官。不得著鞞鞵過都堂門。唐兵部吏部侍郎郎官。選限內不朝。今審官東西院三班院。皆預內朝。而流內銓。止趨五日起居。疑循舊制也。

丁晉公馮魏公位三公侍中而未嘗冠貂蟬。杜祁公相甫百日。當慶曆四年郊祠。貂冠公袞。又升輅奉册。改諡諸后。

杜祁公罷相知袁州。寓北郊佛寺。以待袁州接人。踰再浹日。會宗袞自汝陽召還。過其寺造謁。而杜公曰。處此幾與在中書日同矣。且莫北去。欲識壁云郭汾陽曾留此。蓋自戲其居位不久也。

杜祁公休退。居南都。客至無不見。止服衫帽。嘗曰。七十致政。可用高士服乎。

唐宰相奉朝請。卽退延英。止論政事大體。其進擬差除。但入熟狀畫可。今所存有開元宰相奏請狀二卷。鄭畋鳳池稟草內載兩爲相奏擬狀數卷。祕府有擬狀注制十卷。多用四六。紀其人履歷性行。論請皆宰相自草。五代亦然。寇萊公謂楊文公曰。予不能爲唐時宰相。蓋矚於命詞也。今中書日進呈差除退。卽批聖旨。而同列押字。國初范魯公始爲之。

李西樞憲成爲知制告。尙衣緋。出守荆南。召爲學士。閣門舉例。賜金帶。而不可加於緋衣。乃并賜三品服。太宗命製毬路笏帶。賜輔臣。後雖罷免。亦服焉。趙文定罷參知政事。頃之。除景靈宮副使。賜以御仙帶。自後罷宰相。仍服笏帶。罷參樞。皆止服御仙帶。

江南有清輝殿學士。張公洎爲之。蜀有麗文殿學士。韓昭爲之。今契丹有乾文閣待制。皇后有諡。起於東漢。自是至于隋。皆單諡。光烈陰皇后。明德馬皇后。和熹鄧皇后。文獻獨孤皇后是也。史

家取帝諡冠其上以別之。如云光烈皇后陰氏明德皇后馬氏也。非謂欲連帝諡而名之也。然則質家尙單。文家尙複。後世或用複諡。如唐正正字犯仁宗嫌名宗。觀中長孫皇后諡文德。後太宗諡文皇帝。文德自是複諡。

其義自用二名。偶同太宗之諡爾。中宗諡孝和。趙氏諡和思。言取帝諡配之。其後昭成肅明元獻章正字欽。

犯翼祖廟諱 睿真昭德莊憲諸后。皆不連帝諡。國初追尊四廟三祖之后。冠以帝諡。及杜太后崩。始諡明憲。未

幾。欲同三祖之后。遂改昭憲。及太祖諸后。自連孝字。太宗后連德字。真宗后連莊字。皆用複諡。非連帝諡爲義。慶曆中。乃言孝字連大祖諡。德字連太宗諡。遂改爲章。以連真宗諡。且祖宗諡號皆十餘字。豈止配一字爲義。又太祖功烈。豈專以孝稱。太宗后連德字。乃在下文。與祖宗后諡文不對。可如東漢諸后單舉之乎。皇祐中。予爲禮官。龍圖閣直學士趙周翰奏議甚詳。下禮院。時新以章易莊。朝廷以宗廟事重。不欲數更張。遂寢其所奏。

祖宗朝。使相節度使。未嘗有領京師官局者。其奉朝請。必改他官。多爲東宮三少。上將軍統軍。趙中令。以使相。自河陽還。除太子少保。至明道中。錢相始爲景靈宮使。治平中。武康節度李公端愿。始爲醴泉觀使。至和中。仁宗疾平。以太宗至道年升遐。深惡其年號。趣詔中書改之。是歲以郊。爲恭謝天地。改元曰嘉祐。宋景文言。大小孤山。以孤獨爲字。有廟江壩。乃爲婦人狀。龍圖閣直學士陳公簡夫留詩曰。山稱孤獨字。廟壙女郎形。過客雖知誤。行人但乞靈。時稱佳句。

太祖時。大卿監卒。皆輟朝一日。景德以前。文武官贈三品。皆不得諡。曾任三品官。乃得諡。真宗大中祥符中。命陳文僖公彭年重定。以正三品尚書節度使卒。始輟朝。贈尚書節度使。許定諡。自後遵用其制。而日曆實錄國史。皆遺其事。

尙父錢忠懿王。自太祖開基。貢獻不絕。帝以其恭順。待之甚厚。及討江南。命爲昇州東南面行營招撫制置使。屢獻戎捷。及拔常州。拜守太師。依前尙書令兼中書令。吳越國王。又親赴行營。帝益嘉之。詔令歸國。江南平。亟請入覲。許之。既至。會太祖幸洛陽郊禋。西駕有日矣。詔趣其還。忠懿臨別。面敍感戀。願子孫世奉藩。太祖謂曰。盡吾一生。盡汝一生。令汝享有二浙也。忠懿以帝賜重約。旣得歸。喜甚。以爲大保其國矣。是歲永昌鼎成。後二年。來朝。遂舉版籍納王府焉。

唐王及善曰。中書令可一日不見天子乎。太祖開寶九年。以中外無事。始詔旬假日不坐。然其日輔臣猶對于後殿。問聖體而退。至道三年三月二十九日旬假。是日太宗猶對輔臣。至夕。帝崩。李南陽永熙挽詞曰。朝馮玉几。言猶在。夜啓金滕。事已非。時稱佳作。至真宗時。旬假。輔臣始不入。寶元中西事方興。假日視事。慶曆初。乃如舊。

唐白文公自勒文集。成五十卷。後集二十卷。皆寫本。寄藏廬山東林寺。又藏龍門香山寺。高駢鎮淮南。寄語江西廉使。取東林集而有之。香山集經亂。亦不復存。其後履道宅爲普明僧院。後唐明宗子秦王從榮。

又寫本真院之經藏。今本是也。後人亦補東林所藏。皆篇目次第非真。與今吳蜀摹版無異。

夏鄭公爲宣徽使。忠武軍節度使。自河中府徙判蔡州。道經許昌。時李邯鄲爲守。乃徙居他所。空使宅以待之。夏公以爲知體。

凡公家文書之藁。中書謂之草。樞密院謂之底。三司謂之檢。今祕府有梁朝宣底二卷。卽正正字狠仁宗宗嫌名嫌名。明

中崇政院書也。檢卽州縣通稱焉。

祖宗時。宰相罷免。唯趙令得使相。餘多本官歸班。參樞亦然。天禧中。張文節始以侍讀學士知南京。天聖中。王文康以資政殿學士知陝州。自慶曆後解罷。率皆得職焉。

祖宗時。唯樞密直學士帶出外任。李尙書維罷翰林爲集賢院學士。知許州。劉中山子儀自翰林爲臺丞。李憲成以翰林權使三司。皆斬出。並以樞密直學士。劉知潁州。李知洪州。蔡文忠以翰林兼侍讀兩學士。改龍圖閣學士。知密州。自翰林改龍圖而出。潘繇文忠始也。近歲。率帶侍讀及端明學士。邪公壽以侍讀學士知曹州。孫宣公亦以侍講知袁州。二公皆久奉勸講。遂優以其職。補外。自張文節以舊輔臣帶侍讀出守。至寶元中。梅公詢始以侍讀學士知許州。侍讀帶外任。自梅公始也。其後翰林出者。率皆換其職。晁文元公。天禧中。自翰林承旨換集賢院學士。判西京留臺。吳正肅公。皇祐中。以資政殿學士。李少師公。明嘉祐中。以龍圖閣直學士。並換集賢判西臺。近歲皆以禁職分臺。

太宗命創方團毬路帶。亦名笏頭帶。以賜二府文臣。明道初。張徐公爲樞密使。兼侍中。獨得賜之。皇祐初。李侍中用和以叔舅。斬賜。時王侍中貽永爲樞密使。遂并賜之。其後曹侍中亦以叔舅而賜焉。

文穆王冀公。天聖初。再爲相。旣拜命謝恩。卽請詣景靈宮奉真殿朝謝真宗皇帝。冀公仍以五百千建道場。託先公爲齋文。其略曰。奉諱之初。謝病於外。臨西宮而莫及。企南狩以方遙。失其本。餘不盡記。自後二府初拜恩入謝。卽詣景靈宮。蓋踵冀公故事也。

凡拜職入謝。多有對賜。拜官加勳封謝恩。雖二府亦無有。景德初。王冀公以參知政事判大名府。召還。加邑封。時契丹方講好。真宗欲重其事。冀公入謝。特命以衣帶鞍馬賜之。自後二府轉官加階勳封邑入謝。並有對賜。

慶曆四年。賈魏公建議修唐書。始令在館學士人供唐書外故事二件。積累旣多。乃請曾魯公掌侍郎。唐卿分釐。附於本傳。五年夏。命四判館二修撰刊修。時王文安宋景文楊宣懿。今趙少師判館閣。張尙書余尙書安道爲修撰。又命編修官六人。曾魯公。趙龍閣周翰。何密直公南。范侍郎景仁。邵龍閣不疑。與予。而魏公爲提舉。魏公罷相。陳恭公不肯領。次當宋元憲。而以景文爲嫌。乃用丁文簡。丁公薨。劉丞相代之。劉公罷相。王文安代之。王公薨。曾魯公代之。遂成書。初。景文修慶曆編敕。未暇到局。而趙少師請守蘇州。王文安丁母憂。張楊皆出外。後遂景文獨下筆。久之。歐少師領刊修。遂分作紀志。魯公始亦以編敕不入局。

周翰亦未嘗至。後辭之。公南過開封幕。不疑以目疾辭去。遂命王忠簡景彜補其缺。頃之。呂縉叔入局。劉仲更始修天文曆志。後充編修官。將卒業。而梅聖俞入局。修方鎮百官表。嘉祐五年六月。成書。魯公以提舉日淺。自辭賞典。唯賜器幣。歐宋二公。范王與金皆遷一官。縉叔直祕閣。仲更崇文院檢討。未謝而卒。聖俞先一月餘卒。詔官其一子。初編修官作志草。而景彜分禮儀與兵志。探討唐事甚詳。而卒不用。後求其本不獲。縉叔欲作釋音補。少遺逸事。亦不能成。

太尉舊在三師之下。繇唐以來。以上公爲重。李光弼自司空爲太尉薨。贈太保。郭子儀自司徒爲太尉薨。贈太師。李德裕自司徒爲太尉。皆以超拜。李載義自司徒爲太保。王智興自司徒爲太傅。二人卒。俱贈太尉。是以上公寵待宗臣。餘雖有功。可遷保傅。而掌武之尊。不可得也。五代至國初。節度使皆自檢校太傅。遷太尉。太尉遷太師。然無升秩明文。

北都使宅。舊有過馬廳。按唐韓偓詩云。外使進鷹初得按。中官過馬不教嘶。注云。上每乘馬。必中官馭以進。謂之過馬。旣乘之。踐蹠嘶鳴也。蓋唐時方鎮亦倣之。因而名廳事也。

唐明皇以諸王從學。召集賢院學士徐堅等討集故事。兼前世文辭。撰初學記。劉中山公子儀愛其書曰。非止初學。可爲終身記。

二府舊以官相歷。李文正自文明殿學士工部尙書爲參知政事。而宋惠安公乃自左諫議大夫參知政

事遷刑部尚書居其上。至祥符末，王沂公與張文節公同參知政事，王轉給事中，張轉工部侍郎，而班沂公下，意頗不悅，乃復還貳卿之命，止以舊官優加階邑，自後第以先後入爲次序。

太宗詔諸儒編故事一千卷，曰太平總類，文章一千卷，曰文苑英華，小說五百卷，曰太平廣記，醫方一千卷，曰神醫普救總類，成。帝日覽三卷，一年而讀周，賜名曰太平御覽。又詔翰林承旨蘇公易、簡道士韓德純、僧贊寧集三教聖賢事迹各五十卷，書成，命贊寧爲首坐，其書不傳。真宗詔諸儒編君臣事迹一千卷，曰冊府元龜，不欲以後妃婦人等事廁其間，別纂彤管懿範七十卷，又命陳文僖公裒歷代帝王文章爲宸章集二十五卷，復集婦人文章爲十五卷，亦世不傳。

樞密院問降宣故事，具典故申院。按今有梁朝宣底二卷，載朱梁正字犯仁宗嫌名明三年四年事，每事下有

月日云。臣李振宣或除官差官或宣事於方鎮等處，其間有云宣頭宣命宣旨者。梁朝以樞密院爲崇政院，始置使，以大臣領之，任以政事。正字犯仁宗嫌名明年是李振爲使，當時以宣傳上旨，故名之曰宣，而樞密

院所出文字之名也。似欲與中書敕並行，雖無所明見，疑降宣始自朱梁之時。晉天福五年，改樞密院承旨爲承宣，亦似相合。其底乃底本也。繫日月姓名者，此所以爲底。聞今尙仍舊名。熙寧七年六月十三日

或問今之敕起何時。按蔡邕獨斷曰：天子下書有四，一曰策書，二曰制書，三曰詔書，四曰戒敕。然自隋唐以來，除改百官，必有告敕而從敕字。予家有景龍年敕，其制蓋須由中書門下省，故劉禕之云：不經鳳閣

鸞臺。何謂之敕。唐時政事堂在門下省。而除擬百官。必中書令宣侍郎奉舍人行。進入畫敕字。此所以爲敕也。然後政事堂出牒布於外。所以云牒奉敕云云也。慶曆中。予與蘇子美同在館。子美嘗攜其遠祖翰。唐時敕數本來觀。與予家者一同。字書不載敕字。而近世所用也。

皇祐二年。仁宗始祀明堂。范文正公時守杭州。而杜正獻致政居南都。蔣侍郎希魯致政居蘇州。皆年耆體康。范公建言。朝廷闋禮。宜召元老舊德陪位于廷。於是乃詔南都起杜公。西都起任安惠公陪祀。供帳都亭驛以待焉。二公卒不至。加賜衣帶器幣。賜一子出身。自後前兩府致政者。大禮前。率有詔召之。然亦無至者。禮畢。皆賜衣帶器幣焉。

本朝兩省清望官。尙書省郎官並出入重戴。祖宗時。兩制亦同之。王黃州罷翰林。滁州謝上表云。臣頭有重戴。身被朝章是也。其後祥符天禧間。兩制並徹去之。非故事也。

祖宗時。未有磨勘。每遇郊祀等恩。皆轉官。未滿二載者。不轉官。例加五階。王黃州自知制誥。未有勳。便加柱國。在滁州爲散郎。自承奉郎加朝散大夫階。

宋僭後。唐明宗之外孫。漢太祖之駙馬。歷累鎮節度。檢校太師。同中書門下平章事。有女十五人。開寶皇后最居長。韓檀密崇訓。寇萊公。王武恭公。皆其壻也。多享國封。

張尙書安道言。嘗收得舊本道家奏章圖。其天門有三人守衛之。皆金甲狀。謂葛將軍掌旌。周將軍掌節。

其一忘記。嘉祐初。仁宗夢至大野中。如迷錯失道。左右侍衛皆不復見。既而遙望天際。有旛幢車騎乘雲而至。輟乘以奉帝。帝問何人。答曰。葛將軍也。以儀衛護送帝至宮闕。乃寤。後詔令宮觀設像供事之。於道書中求其名位。然不得如圖之詳也。

至道二年十一月。司天冬官正楊文鑑建言。曆日六十甲子外。更留二十年。太宗以謂支干相承。雖止於六十。本命之外。卻從一歲起首。並不見當生紀年。若存兩周甲子。共成上壽之數。使期頤之人。猶見本年號。令司天議之。司天請如上旨。印造新曆頒行。可之。

本朝之制。凡需宥大赦。曲赦德音三種。自分等差。宗袞言。德音非可名制書。乃臣下奉行制書之名。天子自謂德音。非也。予按唐常袞集。赦令一門。總謂之德音。蓋得之矣。

太宗淳化五年日曆。載上謂侍臣曰。聽斷天下事。直須耐煩。方盡臣下之情。昔莊宗可謂百戰得中原之地。然而守文之道。可謂惜然矣。終日沈飲。聽鄭衛之聲。與胡樂合奏。自昏徹旦。謂之聒帳。半酣之後。置畎酒筯。沈醉駢弓。至夜不已。招箭者但以物擊銀器。言其中的。與俳優輩結十弟兄。每略與近臣商議事。必傳語伶人。敍相見遲晚之由。縱兵出獵。涉旬不返。於優倡獠雜之中。復自矜寫春秋。不知當時刑政何如也。蘇易簡書於時政曰。上自潛躍以來。多詳延故老。問以前代興廢之由。銘之於心。以爲鑑戒。上來數事。皆史傳不載。秉筆之臣。得以紀錄焉。

唐日曆正正字犯仁宗嫌名觀十年十月詔始用黃麻紙寫詔敕。又曰。上元三年閏三月戊子敕制敕施行。既爲永式。比用白紙。多有蟲蠹。自今已後。尙書省頒下諸司及州下縣。宜並用黃紙。魏志劉放孫資勸明帝召司馬宣王帝納其言即以

黃紙合
放作詔